

國朝耆獻類徵初編卷四百五十九目錄

卓行十七

朱安嶺

陶必銓

黃雲鶴

余觀德

孫上驤

陸雙全

吳天生

張映奎

李本忠

程煌

李朝沃

劉家棊

竹園瞽者

王應祥

駱昇

許所望

張朝棟

郭大昌

王名週

俞文

蔡雲達

陳履和

姚訓

陳紹蕃

程允元

張尊

卓行十七目錄

國朝耆獻類徵初編卷四百五十九

通奉大夫前署江西巡撫江西布政使司布政使湘陰李桓輯
卓行十七

朱安勦

我朱氏與徽國文公同出茶院府君遷涇者歷宋元朝未顯然多
醇厚隱君子爲善於鄉故能保世而滋大余所及見則首推族伯
秀峯公公諱安勦秀峯其字太學生遠祖達性慷慨嘗發粟贍飢
人曾祖文雅祖武鶚考慶蘭世守先緒逮公益好施家素約讀書
不克竟願恂恂有儒者風型仁講讓言笑無苟習勤苦稍積餘貲
赴義若渴乾隆五十三年客遊楚荊州萬城隍者一郡保障也市

廩田畝鱗次櫛比皆恃隄爲固公至適天大雷雨連晝夜江水驟
增三丈餘潰隄而出隄下居民見漚濤溢涌如自空降駭走多不
及盡作波臣公卽日糾同郡胡先彥等捐重資募舟以救時水勢
橫激舟人莫敢前公命其子愷往愷躍而登遽鼓棹羣舟悉濟幾
覆者屢矣卒偪隄側更番渡全活無算處之高阜又倡勸捨棺施
粥棉衣草薦畢備尋水退收白骨瘞諸永安塔復建義濟堂列規
制垂久遠計制府畢公沅獎以額曰功深拯溺噫匹夫慕義何處
不勉焉夫人里居擁厚獲恕視親屬分斗粟緡錢輒見德色凶歲
議糶脣焦舌敝不過十金數十金而止有百金者稱爲難推一人
司其事畏避惴縮否則思侵漁公之於荆特寄耳未嘗操司牧之

權值厄可竟去卽不去隨眾樂輸必不以是蒙訾詬乃蒿目時艱
直以剝膚滅趾近切吾身不辭勞險奪斯民於滔天巨浸之中所
施設誠懇周至使 國家蠲貸之深恩得以漸被當是時大吏暨
郡縣吏巡隄上者嘖嘖嗟歎而公退然不勝但蹙額念流離狀事
旣竣道經沙市沙市火延燒幾盡聞煙燄中哭聲震天急解裝人
贈錢五百俟其定乃還公之力善率此類然公實不爲殷富也於
厚非敦仁而勇義者其能如是乎是可以傳矣公晚歸家族人欽
其德每紛難一言立解於義倉文社造梁夷道諸美舉行之彌厲
事多不具論論其大者公生雍正十有二年二月庚戌卒嘉慶十
年五月癸卯年七十有一配胡氏年八十餘尙存子三長恬次卽

愷三論俱太學生女二竝適胡孫七加雙業儒餘幼孫女九葬某
山之原公弟柳堂教授寵曾語公行事姪孫羸余中表親也來屬
銘其何敢辭銘曰

荆乃郢都爲百戰區紛戴魚頭濟川無桴公赤手障橫流俾民有
鳩活干人者天必酬後嗣蒙其休視茲松楸羣識爲好義有道之
古邱

右墓誌銘朱珩撰

陶必銓

莫江陶公之卒也年家子山陽李君宗昉次其事爲之行狀其葬
也有藏幽之銘有表墓之碣凡所以揚焯懿媿者罔弗至其後鄉
人思公之德請祀於鄉賢祠又臚其事實上於禮部公歿時長子
澍方爲編修厥後官漸顯先後以 覃恩贈階自儒林郎至資政
大夫法得立神道碑今宮保公總督兩江復以道光十四年十月
十八日 覃恩晉階榮祿大夫太子少保本官兼官如制配黃氏
晉一品夫人將立石墓道而以碑文屬琛琛惟善人君子鄉邦之
元氣其達而立於朝則以其淳懿之德培養國脈又康兆民其居
於鄉則本其躬修之行以化於里黨而教其子弟當其時無的然

震耀之譽甚且窮約枯槁會不得稍自佚樂至於遺澤深厚流光
無窮則常於其子孫見之安化陶氏子姓蕃衍世有令德琛嘗讀
公所爲大父文衡府君墓表及其顯考寅亮府君行述既有以知
其先代之德益知公之所以承先啟後者源遠流長而未有已也
公之歿距今垂三十年其行久而益章既俎豆於鄉賢之祠而宮
保督部方爲 國名臣以丕顯先人之烈光 天子之所以榮之
者有加無已則貞珉之文其可以闕如乎琛與宮保督部同舉於
禮部於公爲子行不敢以不文辭則銘以揭之銘曰

公之先世系自長沙都督八州以昌厥家芬烈縣邈罕漫弗曜根
本盤鬱舄奕有造惟公祖考寬中肅外察盜隱惡爲長者最公考

繼之惟孝克友處嗇若豐拾金弗有施於有政或讀或田式於鄉
人化其莠頑自公幼學穎悟絕類梳爬百家貫串經義士先器識
務正其誼束身庠黌厥行優異事孰爲大始於事親澣之灑之廁
牖中幫母疾而病嘗葺以下至誠通幽遘喜乃告古之純孝何以
加茲本立道生動罔弗宜衣麤食蔬礮砥堅定學爲有用以義自
任里民晝驚有虎啣人攫糶肆虐公號於神繫神之靈維公之誠
虎虛無迹人安厥生殖殖其庭故鬼是宅如日禧禧居弗清謐公
爲禱崇冥漠咸格率作興事不辭險難恤患急病公心所安公之
行誼孚化鄉黨歿祭於社是行是仰公之文章根極義理達於枝
幹吐棄華靡世德洎曜公克振之延於世世篤敘惠時教誨爾子

爲稷爲契肇敏戎公爲國柱石 帝用嘉之不錫爾祉品章駿龐
輝照金紫勒辭豐碑昭此茂實膏沃源遠保世無斃

右神道碑吳廷琛撰

夫聖人受命於天... 封里民... 厥本立... 厥中... 厥五... 人... 之...

黃雲鶴

君名學字竹岡姓黃氏系出江夏江蘇吳人也晚遊天台脫然有
遺世之思更名雲鶴稱吳中雲鶴老人君壯歲裴宗錫巡撫安徽
禮致君事無大小必咨之裴公調雲南卒於官節相李侍堯兼署
撫篆以君熟手咨延之未幾裴公殞歸公子幼無期功強近爲護
喪者君卽辭節相爲裴氏送喪蓋水陸萬餘里云嘉慶甲子君入
都屬言路大開君卽伏闕上書意謂踐土食毛之忱不能自盡數
十年閒足跡徧天下於民情時務見聞親切其確鑿可行有利無
弊者四事垂死之年豈復有所覬覦區區愚誠得以上達死且不
朽七月十四日封進得 溫旨放歸條奏旣 畱中君卽削橐外

人頗有謂君言已舉行者以問君君笑應而已自己未春初 今
上親政常熟監生周玠上萬言書言事繼其聲者至君共十人閭
閻疾苦幾於盡達數年來 王言渙汗深洞民隱屬有司奉行不
力未能盡稱 上旨然困敝亦少甦矣以布衣下賤芹曝至愚而
九重虛已曲納有古先聖王之所不及者況三事大夫膺 天子
之所嚴事重寄其念 聖心望治之切朝夕論思以宣德化則薄
海仰風匹夫匹婦可以咸得其所矣而乃緘默雍容坐養資望其
得失交戰之心至老益熾以致水旱頻仍兵革疊見利源下竭國
用上滋歐陽子之言曰國家有事諫官不言而他人言之異日書
之史冊以爲朝廷羞況此巖廊不言而草澤言之甚或草澤言之

而巖廊沮之則其爲異日羞者不僅什伯高司諫已也豈不痛哉
余故知君名丙寅夏於揚州旅次相值同居兩月備識君之生平
君老矣有子而不能繼志恐沒世無聞故纂集爲小傳其命君之
子百年後卽鐫諸壙側以備志乘家之採擇焉

右小傳包世臣撰

少微世系

世系

世系

世系

世系

余觀德

君諱觀德字君懷姓余氏安徽歙人其祖望孫甚旣得君名之曰
狗兒江淮間每名子曰貓曰狗取其易長育也歙人呼狗與九同
遂爲余九父某早卒祖某舉人爲南陵縣教諭俸滿保薦攜君入
都以知縣就銓而沒君年方成童無以爲殯遂鬻身於旗籍兆公
家以葬其祖兆公征新疆敗而仆君以死捍之被十餘創遇救兆
公乃得脫事上聞 純廟嗟嘆 賜入品頂帶元寶二枚開其戶
及協揆莊公有恭巡撫江蘇高君行誼禮聘爲司閹君盡力事莊
公有不可者必力爭得請乃止後莊公以蜚語被逮君爲莊公受
刑夾二次事以得白還原任大學士陳文恭公繼撫江蘇所爲以

詩歌贈君而稱爲忠孝奇男子者也君具知人鑑太子少保四川
總督李世傑以從九品試用江蘇君與語而奇之贖金爲加捐知
州又白莊公得奏畱歎人山東學政福建道御史程世澆少孤貧
入蘇州布肆習貿易當塗人山西知縣進士梁雲五曾勾食揚州
君一見皆振拔之使得習舊業以至通籍君自蘇遷揚開怡昌客
寓而李公適總督兩江視君猶同產君願不寫一至其署李公防
汛每歲四取道揚州皆主君家君爲言地方疾苦兩江自尹文端
後推李公多君之力也嘉慶初揚州科名淪落君相城內有河二
道久淤塞遂盡其貲得白金三萬兩獨力浚治以其餘建太平水
倉今揚城街衢皆有水倉火患大減循君之法也河旣成是年秋